


ADMONITIONES
AD SACERDOTES
PRAESERTIM
CVRATOS

Ex Pontificali Romano.



PERVSIAB:

Ex Typographia Episcopali. 1618.
Apud Marcum Naccarinum.

35 - 3 - E - 15

ADMONITIONES
AD SACERDOTES
PRÆSENTIM
CURATOS

Ex Pontificali Romano.



PRÆSENTIM

Admonitiones
ad sacerdotes
præsentim
curatos

EX PONTIFICALI ROMANO.



PRATRES dilectissimi consacer-
dotes, & cooperatores nostri.
Nouit Fraternitas vestra Nos li-
cet indignos, locum tenere Aa-
ron: vos autem Eleazari, & Ita-
mari. Nos fungi vice duodecim
Apostolorum: vos autem septua-
ginta duorum discipulorum.

Nos Pastores vestros esse; vos autem animarum vobis
commissarum. Nos de vobis: vos autem de plebibus
vobis commendatis, Domino nostro Iesu Christo ra-
tionem esse reddituros: vt in die tremendi iudicij, inter
bonos dispensatores inueniamur. Et ideo charissimi,
videre periculum vestrum. Admonemus itaque, & ob-
secramus Fraternitates vestras, vt quæ vobis suggeri-
mus, memoriæ commendetis, & opere exercere stude-
atis. In primis igitur admonemus, etiam & obsecra-
mus Fraternitatem vestram, vt vita, & conuersatio ve-
stra sit irreprehensibilis. In domibus vestris mulieres
non cohabitent. Omni nocte ad nocturnas horas sur-
gite. Officium vestrum horis certis decantate. Nullus
vestrum, nisi ieiunus missam celebret: & non in vesti-
bus communibus, sed sacris; amictu, alba, cingulo,
manipulo, stola, & casula, vestimentis nitidis, quæ ad
alios vsus non seruiant, parati, deuotè, & religiose ce-
lebrate: & in ea corpus, & sanguinem Domini nostri
Iesu Christi, cum omni reuerentia, & tremore sumite.
Corporalia, & Pallæ ex lino fieri debent: & sint mun-

diffima : quæ & alia lintea , ac vasa sacra , proprijs manibus abluite , & extergite diligenter . Nulla femina ad altare Domini accedat , nec calicem Domini tangat . Altare sit coopertum mundis linteis , saltem tribus diuersis . Et desuper nihil ponatur , nisi Reliquiæ , ac res sacræ , & pro sacrificio opportuni . Missalia , Gradualia , Lectionaria , & Antiphonaria vestra sint completa , & perfecta . Ecclesiæ vestræ bene sint coopertæ , & munda . In Sacristijs , siue Secretarijs , aut iuxta altare maius sit locus aptus ad infundendum aquam ablutionis corporalium , & linteorum , ac vasorum , & aliarum rerum sacrarum ; ac manuum ; postquam sanctum Chrisma , aut oleum Catechumenorum , vel infirmorum trasteritis . Ibique pendeat vas cum aqua munda , pro lauandis manibus sacerdotum , & aliorum , qui rem sanctam , & officium diuinum sunt peracturi , & prope linteum mundum ad illas abstergendum . Atria Ecclesiæ sint bene munita . Nullus sine scitu , & consensu nostro per potestatem secularem , Ecclesiam obtineat . Nullus Ecclesiam , ad quam intitulatus est , dimittat , & ad aliam quæstus gratia se transferat . Nullus plures Ecclesias sine titulo , & contra Sacrorum Canonum dispositiones nancisci præsumat . Nullatenus etiam vna Ecclesia inter plures diuidatur . Nullus alterius Parochianum , nisi itinerantem , & tunc de Rectoris sui licentia , ad communionem recipiat . Nullus in alterius Parochia absque proprii Sacerdotis licentia , missam celebret . In celebratione , quisque calicem , & oblata , non circulo aut digitorum vacillatione , vt quidam faciunt , sed iunctis , & extensis digitis , cruce signet , sicque benedicat . Calix , & patena , sint aurei , vel argentei . Quisque presbyter clericum habeat , vel scholarem , qui cum eo psalmos canet . Epistolam , & lectionem legat , & in missa respondeat . Ipse quoque presbyter infirmos visi-

cet,

ter, & reconciliat: & iuxta Apostolum: propria manu
 communicet: oleo sancto inungat. Nullus: pro baptiz-
 zandis infantibus, siue adultis, aut infirmis reconcili-
 andis, aut mortuis sepeliendis, præmium, vel munus
 exigit. Per negligentiam vestram nullus infans sine
 baptismo, & adultus sine communione pereat. Nullus
 vestrum sit ebriosus, aut litigiolus. Nullus arma ferat.
 Nullus canum, aut animum iocis inferuat, siue in taber-
 nis bibat. Quisque vestrum, quantum sapit, de Euan-
 gelio Dominico, & cæteris festiuis diebus, suæ Plebi
 annunciet. Verbum Domini prædicat. Curam pau-
 perum peregrinorum, viduarum, & orphanorum ha-
 bere: ipsosque peregrinos ad prandium vestrum vocare.
 Estote hospitales, alijs ex inde bonum exemplum præ-
 bentes. Singulis diebus Dominicis ante missam, aqua,
 qua populus aspergatur, benedicite: ad quod vas pro-
 prium habetote. Vasa sacra, & vestimenta Sacerdota-
 lia, nolite negotiatori, aut tabernario in pignus dare.
 Minus digne pœnitentem, cuiuscunque rei gratia, ad
 reconciliationem non adducite: nec ei reconciliationis
 testimonium perhibete. Usuras non exigit. Nec fa-
 culcates vestras post ordinationem vestram acquisitas,
 alienate: quoniam Ecclesiæ sunt. Nullus etiam res,
 possessiones, aut mancipium Ecclesiæ, vendere, com-
 mutare, aut quocunque modo præsumat alienare. Nul-
 lus decimam alterius recipiat. Nullus pœnitentem, car-
 nem manducare, aut vinum bibere inuitet: nisi pro eo
 tunc elemosynam fecerit. Quisque fontes Baptisma-
 les lapideos habeat bene mundos: quos si habere non
 poterit, vas aliud ad hoc opus solum, depuratum teneat.
 Omnibus Parochianis vestris, Symbolum, & orationem
 dominicam, & ieiunia quatuor temporum, & alia Ec-
 clesiæ mandata, significare obseruanda. Ante Quadra-
 gesimam quarta scilicet, populum ad confessionem admo-
 nete:

nete : & confessis iuxta qualitatem criminum, pœnitentiam iniungite . Tribus temporibus in anno, idest Natalis Domini, Paschæ, & Pentecostes, omnes fideles accedere ad communionem Corporis Domini nostri Iesu Christi inuitate, & ne desit, quin saltem in Pascha communicet . Certis temporibus, coniugatos ab vxoribus abstinere, exhortamini . Nullus veltrum, rubeis, aut viridibus vestibus vtatur . Diem Dominicam, & cæteras festiuitates, absque opere seruili, ad Vesperam docete . Cantus, & choreas mulierum, in atrio Ecclesiæ fieri prohibete . Cum excommunicatis nolite communicare . Nec quis vestrum, eis, vel in eorum præsentia, celebrare præsumat : quod etiam plebi nuntiate . Et nullus ex plebe vxorem domum ducat, nisi prius nuptiæ, temporibus ab Ecclesia petmissis, publicè fuerint celebratæ . Quod nullus ad raptam, vel consanguineam accedat, aut alterius sponsam ducat, omnibus prohibete . Porcarios, & alios pastores, saltem Dominica die, faciatis vocare ad missam . Paternos, vt filios suos Symbolum, & Orationem Dominicam doceant, aut doceri faciant exhortamini . Sacramentum Eucharistiæ, Sanctum Chrisma, & Oleum Cathecumenorum, ac Sanctum, seu infirmorum, in Ecclesia, in loco mundo, condecanti, & sicuro sub sera, & fida custodia, diligenter seruate . Quisque vestrum, expositionem Symboli, & Orationis Dominicæ, iuxta Orthodoxorum Patrum traditiones, penes se habeat : easque ac orationes Missarum, & Epistolas, Euangelia, & Canonem bene intelligat : ex quibus prædicando populum sibi commissum sedulo instruat : & maxime nõ bene credentem, Introitum missæ, Orationes, Epistolam, Graduale, Euangelium, Symbolum, & cætera non secreta, alta, & intelligibili voce proferat . Secreta verò, & Canonem, morose, & distincte, submissa voce legat . Psal-

morum